

Ioane, Jean 4,5-41

Punafara : Tāpati, Dimanche 12/03/2023

Òrometua, Pasteur Tihiri Lucas

Ei Māpeeraa Òrometua  
*De l'Accompagnement Pastoral*

Aore ia Àtuàturaa Vārua

E aore rā, Faaoraraa nā roto i te Parau ia au i te haereà faaroo e aore ia te haereà  
 rāita

Ou Cure d'âme,

Ou encore Logothérapie religieuse ou laïque !

No te mea hoì e, e parau mau âau rahi roa teie,  
 e tāpaò māite ia tātou i te tahi mau manaò no te  
 naùanei o te faaroo, e mai tei tiàrohia na e au i  
 te matahiti 1993 ra i roto i te ÈPM, te tahi mau  
 manaò no te Māpeeraa Òrometua i roto i te mau  
 tōroà Òrometua, Tiàtono, Poro Èvaneria,  
 Haapiiraa Tāpati, Haapiiraa Faaroo, e vētahi  
 atu mau tāviniraa ètārētia (Uì Âpī, Vahine,  
 etv.), e aore ia māpeeraa huruaparau rāita.

*Notre texte étant trop connu, nous nous contenterons ici de pointer quelques remarques pour l'aujourd'hui de la foi, mais aussi comme je l'ai relancé en 1993 dans notre contexte ÉPM, la place de l'Accompagnement Pastoral dans les Ministères du Pasteur, du Diacre, de l'Évangéliste, du Monitorat, de l'Aumônerie, ou tout autres responsabilités ecclésiales (Jeunesses, Femmes, etc.) ou psycho-laïques.*

E 4 aè manaò ôhie roa, o tei tītau mai rā i te mau faahohonuraa o te faaineineraa e te faaòhiparaa mā te tūrāma-atoà-hia e vētahi mau ìhi àivānaa no te parau o te taata.

*Au moins 4 Remarques très simples bien qu'exigeant des approfondissements de la formation et de la pratique avec d'autres sciences humaines.*

1. Ietu e te Māpeeraa Òrometua

*1. Jésus et l'Accompagnement Pastoral*

Mai te pene matamua e tae mai i ta tātou pene 4, e tae roa atu ai i te pene 21, e rave rahi

faatiàraa no te mau fārereiraa a Ietu, oia hoì e mau parau atoà ia no te Māpeeraa Òrometua, Māpeeraa Òrometua ia au i te faaauraa e te Ètārētia Fenua no roto mai i te Reforomātio e aore ia te Tātorita e faaòhipa nei i te Arataìraa Vārua, etv.

*Depuis le premier chapitre jusqu’au 4<sup>ème</sup> que nous lisons, et jusqu’au 21<sup>ème</sup> chapitre, apparaissent des récits de rencontres de Jésus, et donc aussi des séries d’Accompagnement Pastoral, le terme étant bien entendu ici conventionnel en fonction de l’Église Locale issue de la Réforme ou du Catholicisme qui utiliserait plutôt Direction spirituelle, etc.*

—Mai haapāpū anaè e ua pāoa te Māpeeraa Òrometua o Ioane Pāpetito, e ua faatea ê te Perofeta hopeà o te Faufaa Tahito i te Metia no te tāpiri atu ia Herota.

—Ànatereà, Pētero, Firipi, Nātanaèra, e i muri aè ra te mau tuaane o Ietu, e i muri mai Nitotemo e te vahine tāmāria, ua ò ia rātou i roto i te Māpeeraa Òrometua arataìhia e Ietu.

*—Disons-le tout de suite, l'Accompagnement Pastoral de Jean Baptiste a été un échec, et le dernier Prophète de l'Ancien Testament s'est ainsi éloigné du Christ pour se rapprocher d'Hérode.*

*—André, Pierre, Philippe, Nathanaël, puis la mère et les frères de Jésus, ensuite Nicodème et la femme samaritaine entrent dans l'Accompagnement Pastoral mené par le Christ.*

2. Te papa no te Māpeeraa Òrometua

*2. Le fondement de l'Accompagnement Pastoral*

Te papa no te Māpeeraa Òrometua, o te Rōto ia, oia te Parau, e te Vārua ! O Ietu Metia te Parau a te Atua Metua, Parau o tei faaihohia e te Vārua Raa i rotopū i te mau uì hui faaroo atoà e tae noa atu i te Pātireia !

*Le fondement de l'Accompagnement est constitué du Logos, « Parole », et du « Pneuma », Esprit ! Jésus-Christ est l'incarnation de la Parole de Dieu le Père,*

*incarnation rendue présente par l'Esprit Saint au milieu des générations de communauté croyante jusqu'au Royaume !*

Te oho o te Māpeeraa Òrometua, o te fānau-faahou-raa ia i roto i te Faatāvairaa Tama ia au i te Èvaneria :

Ioane 1/11 : I haere mai nei o ia io na iho ra [...] 12 te feiā atoà rā i ìte atu ia na, i te faarooraa i to na ra iòà, hō mai ra o ia i te mana ra ia rātou ei tamarii na te Atua. 13 Te feiā eere i to te toto i fānau ai ra, eere hoì i to te hinaaro o te tino, eere hoì i to te hinaaro o te taata, no te Atua rā.

Ioane 3/6 : Ta te tino e fānau nei, e tino ia; ta te Vārua e fānau ra, e vārua ia. 7 Eiaha òe e maere o vau i parau atu na e: Ia fānau faahou òutou e tià ai —[mai nià mai].

*Le fruit de l'Accompagnement Pastoral est la renaissance dans la Filiation Adoptive selon l'Évangile :*

*Jean 1/11 : Elle [la Parole] est venue chez elle, [...] 12 mais à tous ceux qui l'ont reçue, elle a donné le pouvoir de devenir enfants de Dieu —*

*à ceux qui mettent leur foi en son nom. 13 Ceux-là sont nés, non pas du sang, ni d'une volonté de chair, ni d'une volonté d'homme, mais de Dieu.*

*Jean 3/6 : Ce qui est né de la chair est chair, et ce qui est né de l'Esprit est esprit. 7 Ne t'étonne pas que je t'aie dit: Il faut que vous naissiez de nouveau — d'en haut.*

3.Māpeeraa Òrometua e fārereiraa i te Metia

*3.Accompagnement Pastoral et rencontre du Christ*

I roto i te 3raa o te manaò, te vai atoà ra nā manaò matamua :

« A haere mai, a hiò », « A haere mai e a faaroo » (Ioane 1/39,46 ; 20/8). I roto i te èvaneria a Ioane, te vai nei te mau fārereiraa i te Metia o tei faaora, o tei ora te maì, e tei faahaere nā te èà o te Tamaiti a te Atua e tae noa atu i te Tatauro e te Tiàfaahouraa. Te vai atoà ra te mau fārereiraa i ûàna roa atu ai ta vètahi pātoìraa i te Metia, e i haapohe roa atu ai vètaitahi ia na iho mā faaroo taiàtā.

*Cette 3<sup>ème</sup> remarque reprend les 2 premières : « Viens et vois », « venir et croire » (Jean 1/39,46 ; 20/8). Chez Jean, les rencontres avec le Christ sauvent, guérissent, et mettent en suivance du Fils de Dieu jusqu'à la Croix et la Résurrection. D'autres rencontres ont suscité le renforcement du rejet du Christ, et d'autres encore ont conduit au suicide incrédule.*

4.Te Māpeeraa Òrometua e te pāhonoraa a tei māpeehia

*4.L'Accompagnement Pastoral et la réponse de l'Accompagné*

Tei orahia e te vahine tāmāria, e mea huru maoro atu ā ia, ua tāpeà mai rā o Ioane i tei au, te toeà o te parau ra, e faanahoraa unuma ia o tei òre e noaa ia tātou ! Atirā noa atu rā, mai tāpaò anaè i te vāhi âpī e parauhia nei e Ietu i te vahine tāmāria :

Ioane 4 : 21 Ua parau atu ra Ietu ia na: A faaroo mai na, e teie nei vahine, ua fātata te hora e òre e tae mai ai òutou i teie nei mouà, e e òre hoì e haere i Ierutarema, haamori ai i te Metua. 22

Aore òutou i ìte i ta òutou e haamori nei, ua ìte mātou i ta mātou e haamori nei, no te Âti-Iuta mai te ora. 23 Ua fātata rā, e teie nei hoì taua hora, e haamori ai i te Metua te feiā haamori mau ra, mā te vārua e te parau-mau: o te huru ia o te feiā haamori ta te Metua e tītau nei. 24 E Vārua te Atua, e te feiā e haamori ia na ra, e haamori ia mā te Vārua e te parau-mau e tiā ai. 25 Ua parau mai ra taua vahine ra ia na: Ua ìte au e, te haere mai na te Metia (o tei Faatāhinuhia ra ia). E ia tae mai o ia ra, na na ia e faaite mai ia mātou i te mau parau atoà ra. 26 Ua parau atu ra Ietu ia na: O vau ia e parau atu ia òe na.

(I roto i te èvaneria a Ioane, te « paraumau » o Ietu Metia to na iòà, Ioane Jean 14/6 ; 19/37-38 ; 20/5)

Te auraa ra, te Māpeeraa Òrometua, e haafānau mai o na i te hoê « E Àpa, e taù Metua » i roto i tei māpeehia, ia au i ta Pauro, te Àpotetoro o te mau Nūnaa e faahiti mai nei ia tātou !

*L'expérience de la femme samaritaine a certainement duré plus longtemps, mais Jean*



*n'a gardé que l'essentiel, le reste étant très intime et donc nous échappe en tant que tel ! Ceci dit, notons le point de bascule indiqué par Jésus à la Samaritaine :*

*Jean 4 : 21 Jésus lui dit: Femme, crois-moi, l'heure vient où ce ne sera ni sur cette montagne ni à Jérusalem que vous adorerez le Père. 22 Vous, vous adorez ce que vous ne connaissez pas; nous, nous adorons ce que nous connaissons, car le salut vient des Juifs. 23 Mais l'heure vient — c'est maintenant — où les vrais adorateurs adoreront le Père en esprit et en vérité; car tels sont les adorateurs que le Père cherche. 24 Dieu est Esprit, et il faut que ceux qui l'adorent l'adorent en esprit et en vérité. 25 La femme lui dit: Je sais que le Messie vient — celui qu'on appelle Christ. Quand il viendra, lui, il nous annoncera tout. 26 Jésus lui dit: C'est moi qui te parle.*

*(NB : Dans l'évangile de Jean, la « vérité » s'appelle Jésus-Christ, Jean 14/6 ; 19/37-38 ; 20/5)*

*En d'autres termes, l'Accompagnement Pastoral fait naître un « Abba, Père » chez l'Accompagné, comme nous le dit Paul, l'Apôtre des Nations !*

Nā to tātou haereà, e taiò atu tātou i te tahi atu ā mau parau nā roto i te faanahoraa o te Māpeeraa Òrometua no te tūrama i te mau nuuraa, te mau ôtiàtiàraa e tae noa atu i te fāraa mai te Tamahine Tāvai, te Tamaiti Tāvai mai te vahine tāmāria ! No te faaitoito i teie nei tāviniraa, mai haamanaò anaè e aita e hopeà to te Māpeeraa Òrometua, e vai mai ā te Èà no te Tautooraa, te Haereà Niu e te Raa ! A hāroà i tei parauhia e Ietu i tana mau Pipi i to rātou hoìraa mai !

*En chemin, nous lirons d'autres textes à partir de l'Accompagnement Pastoral pour mettre en exergue d'autres perspectives qui éclairent les déplacements, les résistances jusqu'à l'émergence d'une Fille Adoptive, d'un Fils Adoptif, comme l'a vécu la Samaritaine ! En vue de relancer ce ministère, rappelons que*

*l'Accompagnement Pastoral n'a pas de fin, celle-ci se poursuit sur le Chemin de l'Engagement, de l'Édification et de la Sanctification ! Se référer à ce que dit Jésus à ses Disciples à leur retour !*

E fā mai ia i naùanei te hoê o te mau uiraa o tei pāhonohia mā te hāû-perere : E tià ānei i ora i te Māpeeraa Òrometua mā te faaòhipa i te mau rāveà tatau no teie nei tau ?

*Se pose alors aujourd'hui l'une des questions qui aura au moins quelques balbutiements de réponse : L'Accompagnement Pastoral est-il praticable avec les moyens numériques de notre époque ?*

I te Fatu ā tātou mā ta na Parauamaità !

*Que le Seigneur nous accompagne dans sa Bénédiction !*